

小兒丹發兩臂赤起如李子名鬼火丹治之

方 景天草伍兩蛇銜草叁兩杵如泥以雞血調塗

戎鹽壹兩附子壹枚燒灰為末雄鷄血調塗

馬德

張氏戎鹽散

戎鹽 壹兩

附子 壹枚

雄黃 半兩水飛

右同研為末每用少許以雄雞血調塗

顛顛經治鬼火丹從面上起以雞清調竈下土塗立

差

野火丹 聖惠小兒丹發赤斑斑如梅子遍背腹名野

火丹 千金凡遍身皆赤者名野火丹 雄黃戎鹽

丹毒

丹毒

丹毒

各半兩為末雞白調頻塗以差為度 竈中黃土壹
兩青竹葉貳兩燒灰為末雞白調塗 白殭蠶二七
箇護火草壹兩杵爛塗之 酒塗 油塗 雞清和
赤豆末封之遍身者合塗之令遍

家火丹

聖惠小兒丹初發着兩頰兩鬕上兩腋下

家火丹 梓木白皮蓼葉各叁兩燒灰雞白調
塗之以差為度

嬰孺方治家火丹攻喉入腹大不利方

用硝石凝水石銅器中乾研服方寸匕

又方烏頭壹分赤石脂叁分研細雞清調塗神良

聖惠小兒丹初發兩脇及腋下腿上謂之殃

火丹用川朴硝研為末每服以竹瀝調下半錢更量

兒大小加減 浮萍杵汁時時服之 千金用伏龍

肝為末生油調塗乾易之若入腹及陰絞護火草汁

服之

張渙拔毒散 川朴硝壹兩 梔子仁半兩 為末醋調塗

又方 山梔子仁肆兩 生鯽魚斤半 同杵如泥每以醪花

少許塗丹上兼治神火丹

聖惠小兒丹發兩胸不過一日便赤黑謂之

神火丹 景天草花絞汁先微揩丹上後塗之以差

為度 鯽魚半斤杵如泥塗之頻塗為良

醋調施

子仁末塗

熒火丹

聖惠小兒丹發如灼在脇下正赤初從額起

或從耳起而多痛名熒火丹

赤小豆

合壹硝石半寒

水石

分壹

為末每以冷水調半錢日三服量兒加減

張氏

用冷水調塗

竈中黃土

合壹

生油

合貳

同研如泥時用塗之

以差為度若痛上陰不治即殺人也

景天草杵爛

以醋調塗

朱田火丹

聖惠小兒丹先發於背遍身一日一夜而

成倉名朱田火丹

治法取棘根煮汁洗之若已成

瘡用小豆末傅之未成瘡卽以鷄清調小豆末傅

藍靛塗 雞清塗

天龍火丹 聖惠小兒丹發兩鬢裏尻間正赤流至陰

頭赤腫血出者是也治之方

薺葉 叁兩

赤小豆 壹合

煨爐門上灰 壹兩

青羊脂 叁兩

葱白 貳莖

右相和杵如膏 乏燥再磨之

又方 細辛 壹兩 糯米 壹合 景天草 叁兩 杵如泥塗丹上差

又方 伏龍肝去小豆等分為末雞子白調塗 又

桑根煮汁浴之 車前子為末水調塗 蠶沙一升

水煮去滓洗 鐵落末錫和如膏塗 杵生浮萍傅

千金云小兒丹從髀起小兒未滿百日犯行路竈君

若熱流下至陰赤腫血出以雞清調伏龍肝傅 又

以鯽魚肉同赤白豆杵爛入少水和傅

廢龍火丹 聖惠小兒丹發從足趺起正赤者是也治

之方

寒水石

硝石 各半兩

莽草 壹兩

右為末每以新汲水調下半錢更量兒大小加減

張氏用
水調塗

又方

赤小豆

牛角

燒灰

右為末雞白調塗

又方五加葉根五兩燒灰以鍛鐵槽中水調塗 棗

樹根水煮汁浴三五次 桑根煮汁洗

尿竈火丹 聖惠小兒丹發膝上從兩股起及臍間走

入陰頭者是也治之方桑根白皮壹斤剉以水七升

煮四升去滓看冷熱避風浴之 李樹根半斤燒灰

為末取田中流水調塗 以屋四角茅草燒灰為末

雞白調塗 以桑白皮李根同剉煎湯洗之

示流 聖惠夫小兒身上或一片片赤色如臙脂及漸

引此名丹毒俗謂之流若因熱而得者色赤或因風而得者色白皆腫而壯熱也可用一鈹刀散鑱去惡血毒未入腹者可療也

服治小兒心熱身上赤流色如臙脂皮膚壯熱升麻

川升麻

川大黃

劉微妙

川朴硝

玄參

各半兩

犀角屑

黃芩

梔子仁

木通

甘草

微妙

各壹分

右為末每服一錢水一小盞煎五分去滓溫服無

時量兒加減

千金台赤流丹腫疔赤小豆五合水和取汁飲之一

合良萍以傳五心 又服黃龍湯二合并傳患上

胡湯去半夏
各黃龍湯

乳香散定疼

天仙藤

壹兩焙
乾為末

乳香

壹錢研

右每壹錢温酒下

晏元獻公明効方牛黃散 治小兒初生至二三歲

一切風發赤白流走遍四肢方

牛黃

朱砂

蝸牛肉

全蠍

白殭蠶

天麻

白附子

乳香

麝香

各壹分

生龍腦 壹錢

螳螂翅 伍對五月中採

右十一味為細末每服一字薄苛水調下初生小

兒洗了後用乳調少許塗口中胎疾永除

張渙方治小兒赤流熱如火宜用大黃散

川大黃 生

鬱金

黃藥

膩粉

猪牙皂角

去皮子各半兩

右為末生油調塗

又方

護火草汁

參合

赤地利末

參錢

膩粉

壹錢

右相和量兒大小加減服之良久瀉下血片為効

其滓傳在亦處亦佳

治小兒赤流半身色紅漸漸展引不止方

牛膝去苗壹兩

甘艸生半兩

右剉以水一大盞煎五分去滓調伏龍肝末塗効

又方 大黃壹兩生 赤小豆半合炒紫色 川朴硝叁分 爲末

雞白調傳勿令乾

又方 李子油叁兩 朱砂末壹分 調如膏塗之

千金治小兒赤遊丹 一日一夜即成瘡先從背起漸

至遍身如棗大正赤色者用煮棘根洗法其法已見朱田火丹

卜所用便藥

玄胡散 治小兒赤流

玄胡索 壹兩

天南星 貳兩

朴硝 半兩

巴豆 貳柒個
去油

右為末芸薹汁調毛翎掃之

治赤流白流火燄諸丹等方

好生膽礬 壹錢

烏鰾魚骨 壹錢

蜈蚣 壹條全者
焙

麝香 叁拾文

輕粉 貳拾文

右一處乳鉢內研極細看丹多
用藥醋調令稀

毛翎掃丹上立止

治赤白流 雄黃 研白礬 壹 白世 壹 為末水調掃

治小兒表裏受熱之甚忽發遍身赤腫狀似丹疹者
於腹中周匝則不可救名曰赤油腫此藥如神

胡荽 不以多少

右研取自然汁調水銀粉又曰輕粉鵝毛掃上病
處須臾赤色便變為白或上有白癩子不妨或自
破亦無害乃是病去也調時不須太稠

聖惠方云取摩羅葉汁塗赤處隨手便瘥

幼幼書譚氏殊聖方歌云五遊忽發遍身形恐悚令
人怕怖驚乍睡刹那生滿體莫寃神鬼錯看承甘杲
硝石蒼龍骨感攝消磨去痛疼更取鐵槽連底水調

和頻掃便身輕宜消腫散

清泉硝石

白龍骨

各壹兩

右研勻淨器收以鐵槽水調一錢掃塗立差

身有赤處

聖惠小兒因汗為風邪熱毒所傷與無

相搏熱氣蒸發於外其肉赤而壯熱也

治小兒身上有赤引於頰上或口旁眼下赤如燕脂

向上皮即皴剝漸漸引多此是心熱血凝所為其治

法宜以小刀子鋒頭鏤破令血出後宜服丹參散

丹參

黃芩

枳殼

去白麩炒

葛根

犀角

鎊各壹分

麻黃

去根節

右為末每一錢水一小盞入竹葉十片竹茹半錢煎五分去滓放溫量兒加減無時服

治小兒身上有赤煩熱麥門冬散

麥門冬 去心

蘆根 剉

葛根 剉

犀角屑

漏蘆

甘草

炙微赤各半兩

右為末每服一錢水一盞竹葉十片去滓放溫量兒加減無時服

治小兒身上有赤或癩腫或如火丹煩渴渾身赤壯

熱鉛霜散

鉛霜 研

菜豆粉

各半兩

用芸薹菜自然汁調塗

又方

伏龍肝

壹兩為末

亂頭髮

貳兩煨灰研

水調塗赤處

又方

桃仁去皮研爛以面脂和塗

水煮黃蒿穰

濃汁入鹽少許溫服

細研白礬末生油調塗

杵

芭蕉根汁塗

杵水中苔水調塗

水調芒硝末

炒米粉令焦黑為末津唾調塗

生蛇銜草擣爛

塗

蛇纏丹

治蛇纏丹匝腰則死壽蒿芭爛塗或研蒿芭

子塗之

戴氏家傳用蘆箔上草繩經子燒灰同生

油調塗

廣利方杵馬齒莧傳之

土鬼丹

靈苑方治土鬼丹此病初發如湯泡頃刻則

大連發不已或至數處便能致困宜速治之方

赤足蜈蚣 壹條 鷄腸草

金蕎麥 各壹分

銅綠 壹錢

麝香 少許

右為末如患者用針穿破却用針眼上度藥在丹
內上面用醋麵膏子掩之如人有患不覺數日後
喫食不得即先服下項藥

大黃

甘草 各等分

右為末新汲水下半錢或一錢立差

治土鬼丹及馬汗入瘡大効

烏梅 焙

糯米

杏仁 去皮
火研

澱花 各壹兩

鹽豉 壹兩半

巴豆 貳拾粒去心皮油煎研

右為末糊丸先挑破瘡卽以醋磨藥塗更以醋麪蓋之服一二丸亦佳

王師禁土鬼丹及蛇纏丹

霹靂震庚震霹靂

一氣念二十一遍吹在病處自立東南方上令病人在西北以大指搯中指本節文以第二指搯大指中節兩手皆然吹時卽放手持呪四十九日於五更初向北受持可用

火丹 其瘡見骨著足踝者是也千金杵大小蒜厚

封之 嬰孺方刺腫上入二分以牛膽汁調大黃末
塗之

顛頤經二十二種丹證治

龍腦丹 先從頭上起滿身胤其丹赤色 用豬槽下

土并桃柳根皮搗末生油調傅 **龍尾丹** 從腰起黑

色遍身疼痛 用堂屋四角草燒灰入白礬末雞子

白和塗 **龍火丹** 先從腹起至心胤黃赤色 用屋

脊上草燒灰松花白雞子黃豬槽內水調塗 **龍**

龍 從右手上起引似蛇行赤色 用竈下土油調塗

龍 從左脚上起 用燂豬湯竈額上灰傅

卷之三 五十五

女龍丹

上起紫赤色 用女兒小便生梅竈右

邊磚縫

和調塗 **朱黃丹** 從右脚起胤至遍身

用屋

用草鐵匠家磨刀水調傅

星子丹 從頭

起胤

如錢子大赤色 用桃樹向北枝燒灰

調傅

子丹 從頭面四向胤

用竈頭上土入膩

粉以雞子白調傅

亂神丹

天下惡證從肚內起出

口內紫黑色

用善火草白礬末并蜜入洗銀水調

服之

疳火丹

從背上起黃赤色

用壁上土豬槽

下土白礬末生薑汁生油調塗

無子丹

從眼眶上

用白礬蛤粉樟卵長許

和塗之

從

前心起頭痛如火燒 用善小六草豬槽下土雞子黃

調塗 **蜘蛛丹** 滿身病 用白礬阜茨燒灰猪槽下

泥和塗之 **佛家丹** 從耳起 用乳香善火草瓦雷

内土油調傳之 **神氣丹** 從頭背起 用牯牛骨燒

灰羊脂調塗 **標火丹** 從背甲起 用生麻油合猪

槽下泥塗之又巢氏云丹發於背臂及穀道者名標

火丹嬰孺方治標火丹用景天草拾兩 真珠壹分

為膏封丹上 **明瘡龜** 從臍中起 用屋漏水調

膏中土塗 **火龜** 從陰上起 用水茄窠下泥

和苦酒塗之 **龜** 從踝起 用屋四角茅草窠

善小六草猪槽下土雞子黃 刀斗三 一百九

橫麻燒灰雞子白調塗

野竈丹

從背起

用柔香

茸菴藿赤小豆末塗之立差

神竈丹

從肚起

用

土蜂窠杏仁膩粉生油調塗

本事方十種丹癰腫毒所起證治

一飛竈丹從頂頭起先揮用葱白研取自然汁塗

二古竈丹從頭上紅腫痛用赤小豆末雞子清調塗

譚氏方同不拘何處皆治

三鬼火丹從面起赤腫用竈心土雞子清調塗

按不拘何

處皆治妙

四天火丹從背起赤點用桑白皮末羊脂調塗

五天竈丹從兩腎赤腫黃色柳葉燒灰水調塗作

六水丹從兩脇虛腫用生鐵屑研末豬糞調塗

七胡火丹從臍上起黃腫用檳榔為末米醋調塗

八野火丹從兩脚赤腫用乳香末羊脂調塗

九烟火丹從兩脚有赤白點用豬槽下土麻油調塗

十胡漏丹從陰上起黃腫用屋漏處土羊脂調塗

右此十種丹毒變易非輕治之或緩則致不救故

予不惜是方能逐一仔細辨認依此方法治之萬

不失一如經三日不治攻入臟腑則終不救不可

緩也

示曰毒腫 聖惠云夫小兒有肌肉虛者為風毒熱氣

所乘熱毒搏於血氣則皮膚赤而腫起其風隨氣行

遊不定故名也又云夫遊腫之狀者為青黃赤白無

復定色遊走於皮膚之間肉上微光是也

治小兒赤遊皮膚作片片赤腫此是風熱所致宜服

犀角散

犀角屑

黃芩

黃芪

川升麻

梔子仁

漢防已

川朴各壹分

牛黃半分

右為末煎竹葉湯調半錢無時量兒加減

治小兒頭面身體赤毒腫起作片宜用升麻膏

川升麻 壹兩

犀角屑

射干

赤芍藥

玄參

黃芩

梔子仁

川大黃

大青

藍子

羚羊角屑

各半兩

生地黄

貳兩

右判以豬脂一斤半於鑪中慢火熬不住手攪藥

色變膏成去滓窺合盛頻摩腫處

又方

黃檗末

川大黃末

川朴硝

各半兩

馬勃

水銀

各壹分水銀於手心內用津研日星盡

鷄子 去殼

右同研成膏先以鈹鉞鈹破然後以膏塗之

又方

鷄冠花

商陸

紫釰

川大黃 各半兩

右為末以鷄清入生油等分調塗乾再塗

又方

附子 去皮臍

川椒 半兩

石鹽 參分

右為末以煉了豬脂四兩相和慢火熬成膏斲合

盛候冷頻頻塗以差為度

治遊腫攻頭面焮腫赤熱疼疔疔宜用鬱金散

鬱金 半兩

赤小豆 壹合

甜葶藶 半兩

伏龍肝 貳兩

川芒硝 半兩

川大黃 生半兩

右為末以生雞子白并蜜少許調令稀稠得所塗之乾再塗

治遊腫赤者 川大黃末 貳兩 護火草 伍兩 右相合

杵塗之乾易

治赤白遊腫 芸薹子 半合 鹽 壹錢 米醋 壹雞子殼 右杵

如泥看大小塗紙上貼之如走即隨處貼之不三

兩上効

治青白赤遊腫手近微痛

川大黃 生

蒲黃

伏龍肝

各貳兩

右為細末水和如薄泥塗之乾再用

又方

川大黃 壹兩 生

豉 壹合

紫檀

壹兩

右為末醋和塗乾再用

又方紫檀香二兩為末水調塗

治遊腫流遍身赤色入腹即死以生豬肉傅上數數

換之其肉蟲鳥不食臭惡甚也

治遊腫以生布一片搵油以火燃之持照病上呪曰

日遊日遊不知着脂火燎你頭呪七遍卽差也

治白遊腫杵生羊脾塗之

又方括萇根

貳兩為末

伏龍肝

半兩細研

醋調塗乾再用

子母秘錄治小兒赤遊行於體上下至心卽死以芒

硝納湯中取濃汁拭丹上

杵菘菜傅之

取白

豆末水和塗乾再用

千金中與治赤遊腫若遍身入心腹卽殺人用竈下

黃土為末油調塗勿令乾若已入腹及陰者以護

火草取汁一盞服之乾者卽末之水調服

治赤白遊腫

簇上白臭灰蠶治白遊赤死者治赤

遊並搗塗之

治赤遊腫搗瓜萋傳之

本草云赤遊白癬醋磨五毒草傳亦杵莖傳之恐毒

入腹亦煮服之

五毒草一名五葢又名地園平地生花葉如蕎麥根似狗脊

丹入腹杵馬齒莧汁飲之以滓傳之又用生麻油

塗之又濃煮大豆汁塗之

嬰孺方主丹入腹及下至卵者不治方

麻黃炒

升麻各叁分

硝石肆分

右為末以井花水服方寸匕日三服

一方加大

黃半分

劉氏家傳治走馬胎赤腫走入心腹則不救方

生槐葉 壹握

生瓜萋

去皮同槐葉搗

赤白豆末

各參分

右和塗患處其効如神

丹癰

擣竹篇汁及一升作一服只一二服効

丹癰

擣韭菜入些鹽與香油以手摩熱於丹上搯之

立愈

傳丹雜方

治一切丹癰以土硝為末薑汁醋調塗日

三四上

土硝即蛻蝦土囊蟻螬窠也

蓖麻子五箇去殼細研入

白麵一錢水調微微塗之甚妙 冷水杵茨菰葉莖

雞翎掃腫便消

研護火草汁塗

研五葉草汁塗

水調大黃末塗 水研梔子仁塗 水調黃芩末

塗 水研蒴藿汁塗 臘脂調屋塵塗 油調樺皮

末塗 唾調粟米粉塗 水研糯米汁塗 水煮白

礬末塗 醋調紅藍花塗 煮白芷根葉塗 芹鯉

魚令爛塗 蜜和乾薑末塗 水調地龍糞塗 杵

大麻子汁塗 燒粉家洗瓮水塗 水調韭畦中土

塗 雞清調榆根白皮塗 不犯水羊脂炙塗以白

粉傅之 研胡荽汁塗 醋磨訶子塗 杵鬼目汁

塗 杵荏子汁塗 研醬取汁塗 研地黃汁塗

豆葉汁塗 研海藻汁塗 油調鼓末塗 水調

青黛塗 水研地龍塗 水煮粟米塗 酒煮石楠

塗 水調雞糞塗 杵梧桐皮塗 苦 汁塗 并服

擣蒜塗 治五色丹尤妙

千金方言凡方中用雞子者皆取先破者用之它皆

無力 又言凡天下極冷無過藻菜但有患熱腫毒

丹等取渠中藻菜細切熟擣傅丹上厚三分乾即易

之予謂不可以此塗若毒在表猶可措手若抑之則

外不得泄勢必入裡必先服托裏藥方可施此

辨小兒欲發丹毒候 初生小兒蓄伏胎熱欲發丹者

必先見於外但人不之察耳小兒在襁褓中無故眼

卷之三 丹毒 七十三

生厚眇者此丹毒欲發之候也更微喘急者毒氣已甚而上乘於肺也纔覺有此證急以水調龍腦飲子或藍根犀角等藥潛消其毒如渾身已有赤處卽更以芸臺等外挫其鋒消息而次第治之予家凡兩兒初生眼有厚眇後俱發丹何宰宜人外孫女生七日眼生眇已而小腹下有赤丹一點如錢漸漸引開上至腹心而死不可不知也 初虞世謂百日内發必死不治然亦有可治者不可不治也

忌 大凡小兒病諸丹腫其勢雖盛切不可遽用大

芒硝輩決藥大下之恐毒氣乘虛入裏以客為主

卽難施功也但用性平解毒托裏藥常調停藏府微
微通利而已此則護元氣而排外邪庶保十全也比
舍陶氏子半歲病丹醫以青金丹下之大過蓄毒入
裏發喘生驚而死蓋嬰孺肌膚柔弱易虛易實而服
藥復不能多治之固不可怠慢然亦不可躁急全在
精專調護以保無虞世俗多不知此故廣記而備言
之 小兒丹發若預度其勢必展引至咽頸腹心陰
尻諸虛處可先塗藥以護之仍砭砂其引頭所向微
出惡血以泄其毒或謂當以篦子刮去惡血令盡直
至清黃水出卽止此必勢危氣壯而血熱者始宜之

大抵此疾人受之有輕重年長氣實乃能禁當若未
滿月兒而感之又重恐不可槩用此法無為主簿張
康道子二歲得火燄丹魯醫為砂之出惡血盞餘兩
日而殂不可不知也 本草云大人小兒丹毒宜食
鯽魚鱠及蛇蛇即水母俗名海蟄者是也然不可以
宜食而恣食之反能為害鯽魚亦魚類得無不宜

禁法

無為南汰寺僧宋澄師傳西川文法禁火焰丹

用松明五條細如筋以火點著一頭右手執之大指
掐定第二指中節紋左手亦如此掐定面北立靜想

北方壬癸水渺漫無際一口吸盡吹在火上再想再

吹如是三次將火向自己口中試如不燒人卽以松
明火於小兒丹上周回焯一遭兼於丹上十字焯過
卽已如試得燒人疼更想吸水正旦及端午日受持
行薛諸瘡惟疔毒爲甚殺人亦速古云疔有十二
種種各不同內三十六疔滿其數卽不可救亦有不
滿其數而死者乃毒氣走散故也若痘毒染人發於
頭面或遍身者又非此類在小兒多因乳母食有毒
之物或兒卒中飲食之毒或感四時不正之氣皆能
致之其瘡多生頭面四肢形色不一或如小瘡或如
水泡或痛或痒或麻木不仁外證寒熱嘔吐惡心肢

體拘急大要當分邪之在表在裡急用隔蒜灸法并
解毒之劑若不省人事牙關緊閉急以奪命丹為末
熱酒調灌如食生冷之物或用凉水淋洗則輕者難
愈重者不治其生於兩足者多有紅絲至臍生於兩
手者多有紅絲至心生於唇口之內者多有紅絲入
喉急用針挑出惡血以泄其毒可保無虞其在偏僻
之處藥難導達者惟灸法有回生之功若投峻厲之
劑是促其危矣小兒肌肉柔脆且不能言痛否灸法
須將蒜切薄片著肉一面略剜少空灼艾燃蒜先置
大人臂上試其冷熱得宜然後移着瘡上又別灼艾

如前法試之以待相易勿令間歇

飛龍奪命丹 治瘡毒發背腦疽等證

真蟾酥 乾者酒化 輕粉 枯白礬

寒水石 銅綠 乳香

沒藥 麝香 朱砂 各陸錢

蝸牛 肆拾箇另研如無亦可

右各為末入蟾酥蝸牛或加酒少許糊丸菽豆大每服一二丸溫酒或葱湯下重者外用隔蒜灸法

毒 薛小兒時毒因感四時不正之氣致鼻面耳項

或咽喉赤腫寒熱頭痛甚者恍惚不寧咽喉閉塞狀

時毒 乃十一 一百四

如傷寒五七日間亦能殺人脉浮數者邪在表脉沉
瀋者邪在裏在表用葛根牛蒡子湯在裏用梔子仁
湯表裏俱病者犀角升麻湯甚則宜砭及用通氣散
宣泄其毒旬日自消若不消而欲作膿者用托裏銷
毒散欲收斂者用托裏散若咽腫不能言頭腫不能
食者必死

通氣散 治時毒焮痛咽喉不利取嚏以泄其毒

玄胡索

猪牙皂莢

川芎

各壹錢

藜蘆

伍分

羊躑躅花

叁分

右為細末用紙撚蘸少許絛鼻內取嚏為効